

Imaqarniliaq Innarluutilinnut Siunnersuisoqatigiit inissitsiterlutik ataatsimiinnerat

Piffissaq: Marlunngorneq 15. agusti nal. 15.00-17.00
Sumiiffik: Ataatsimiittarfik 1, Kommuneqarfiup Allaffia

Ataatsimeeqataasut:

Nanette Hammeken Arboe, ilaasortaq
Viggo Johansen, ilaasortaq
Paulus Napatoq, ilaasortaq
Sara Jilsø Fleischer, ilaasortaq - Peqataasinnaanani nalunaarpoq
Aviaaja Geisler, ilaasortaq
Grethe Nielsen, Pisortaq
Allison Hansen, fagchafi
Jeppe Toftdahl, imaqarniliortoq

Imaqarniliaq:

1) Innarluutilinnut Siunnersuisoqatigiit pillugit ilisarititsinermik saqqummiussisoq pisortaq Grethe Nielsen

Isumaginninnermut Suliffeqarnermut Ingerlatsiviup peqatigiiffiit ammasumik oqaloqatigisarnissai kissaatigaa, nuannaarutigalugulu Innarluutilinnut Siunnersuisoqatigiit, peqatigiiffinnik amerlanernik sinnisoqarlutik, siammasissumik isiginnittariaaseqalermata.

Siunissami siunnersuisoqatigiit ataatsimiinnerni oqaluuserisassanik aalajangersaasapput. Ingerlatsivik siunnersuisoqatigiinnut allatseqarfittut atuutissaaq. Tamatuma saniatigut meeqqanut tunngassuteqartunit sinnisoqalissaaq. Ataatsimiinnerittaaq assigiinngitsunik qulequtaqarsinnaapput, taakkunungalugu sulisunik ilisimasalinnik qaaqquisassaagut. Assersuutigalugu isumaginninnermut teknologi sammineqarsinnaavoq.

Innarluutilinnut Siunnersuisoqatigiit kommunalbestyrelsimit toqqarneqartarput, kommunalbestyrelsillu qinigaaffia malittarlugu. Innarluutilinnut Siunnersuisoqatigiinni ataatsimiinnerni imaqarniliat tamanut ammasuupput kommunillu nittartagaatigut, sermersooq.gl, takuneqarsinnaallutik. Innarluutilinnut Siunnersuisoqatigiinnit imaqarniliat ilisimatitsissutitut ataatsimiititamut ingerlateqqinneqartassapput. Innarluutilinnut Siunnersuisoqatigiit ukiumut ataasiarlutik Isumaginninnermut Suliffeqarnermullu Ataatsimiititamik ataatsimeeqateqartassapput.

Siunnersuisoqatigiinnit kissaatigineqassapput, Nuummi naapinnissamut periarfissaqarpoq. Immikkoortoq aalajangersimasoq annertunerusumik sammineqarniassammat ilaatigullu suliffeqarfiit pulaarneqarniassammata. Soorlu isumasioqatigiinnermut atatillugu aningaasartuutit ingerlatsivimmit akilerneqassapput. Tamanna pisumit pisumut nalilersorneqartassaaq.

Siunissami ataatsimiinnissamut oqaluuserisassat suleqatigiinnikkut suliarineqartassapput nassiutinnginnerannilu siulittaasumit akuerineqartarlutik.

Nanette Hammeken: *Qaqugu Meeqqanut Ingerlatsivik ilanngunneqassava?*

Grethe Nielsen: *Ataatsimiinneq tullianimiit Meeqqanut Ilaqutariinnullu Ingerlatsivik pinerit tamaasa peqataasassaaq. Kina attuumassuteqartuni sinniisuussanersoq paasiniarparput.*

Viggo Johansen: *Immikkoortortamut aaqqissuussaanagerup takussutissartaanik pissaagut?*

Grethe Nielsen: *Innarluutilinnut tunngassuteqartut tamakkiisumik aaqqissuussaanagerat pillugu takussutissamik ingerlatsivik suliaqarpoq. Meeqqanut immikkoortortarlugu attuumassuteqarfigut oqaluuseralugit aallartinnikuuvugut. Inissippat takussutissamik nassitsissaagut.*

Viggo Johansen: *Allanik suliamut aalajangersimasunik attuumassutilinnik peqataatitsinissamut siunnersuisoqatigiit qanoq periarfissaqarpat?*

Grethe Nielsen: Ingerlatsivimmi nalilersorneqartarpoq, pisariaqarsorigutsigu allanik piginnaasallit peqataatinneqarnissaannut periarfissat misissorsinnaavagut. Sulisut ingerlatsivik aqputigalugu pissarsiarineqassapput.

Nanette Hammeken: *Kommuneqarfik Sermersuumi meeqqanut tunngasut sammineqarnerat amigarsoraara.*

Innarluutilinnut Siunnersuisoqatigiit meeqqanut inuusuttunullu tunngasunut suliniutit politikkipi immikkoortumullu pilersaarummi amigaataasut isumaqatigiissutigat.

Allison Hansen: Immikkoortumut pilersaarut ataavartumik ineriartortinnissaanut Meeqqanut Ilaqutariinnullu Ingerlatsivik suleqatigaarput.

Grethe Nielsen: Politikkipi aamma immikkoortumut pilersaarut ataavartumik nutartertarnissaanut ingerlatsivik piareersimavoq. Taamaalilluni maannakkut pisunut unammillernarsinnaasunut naleqqussarneqartarpoq. Politikkipi immikkoortumullu pilersaarutit peqatigiiffinnit isumassarsiat malillugit suliarineqartarput politikkeriniillu akuerineqartarlutik. Suliaq ingerlaartuuvoq, tassa politikkipi immikkoortumullu pilersaarut ataavartumik nalilersorneqartassaaq naleqqussarneqarlunilu.

Ilaasortanik ilisaritsineq:

Viggo Johansen: Siulersuisunut ilaasortaq aamma Inooqat-imik pilersitseqataasoq. Ineriartornikkut ajornartorsiutilinnut pitsaannerusumik atugassaqartitsinissamut tunngasunik ukiorpassuarni suliaqartartoq.

Nanette Hammeken: Kalaallit Nunaanni Autismertut peqatigiiffianik pilersitseqataasoq.

Aviaaja Geisler: Angummik innarluutilimmik qatannguteqarpoq. Innarluutilinnut Siunnersuisoqatigiinni sulineq aqcutigalugu innuttaasunut innarluutilinnut pitsaannerusumik atugassaqartitsinissamut suleqataanissaminut soqutiginnippoq.

Paulus Napatoq: Kalaallit Nunaanni tappiitsunut isigiarsuttunullu peqatigiiffimmi siulittaasup tullia.

2) Innarluutilinnut tunngasut pillugit ilisarititsineq, saqqummiussisoq pisortaq Grethe Nielsen

Allison Hansen: 2016-imi januaarip aallaqqaataaniit periuseq matu ataaseq suliararput, taamaalilluni innuttaasut pitsaannerusumik sullinneqartarnissaat pilersinniarneqassaaq. Kiisalu sullissineq sivikillisinneqassalluni. Illoqarfinni tamani, ITT. minillugu, immikkoortortaqpugut. Illoqarfinni tamani peqarnissaa kissaatigaarput, taamaattorli sumiiffinni tamani ilinniarsimasunik sulisunik pissarsisinnaanngilagut, tamannalu pillugu innuttaasut nuunneqarnissaat nalilerneqarsimavoq, taamalu pitsaassusaanik qulakkeerinnilluni. Inersimasut 390-it inatsimmut ilaatinneqarput.

Innarluutilinnut tunngasuni maanna arfinilinnik affarmillu sulisoqarpugut, taakkunanga sisamat Nuummiipput, ataaseq Paamiuni, ataaseq Tasiilami aamma atorfik affaq Ittoqqortoormiini.

Kommuneqarfik Sermersuumi innuttaasunut innarluutilinnut inigisassatut neqeroorutit, najugaqatigiiffiit ornittakkallu tassaapput:

- Inigisassatut neqeroorutit arfineq-pingasut, arfinillit Nuummi, Tasiilamilu marluk.
- Najugaqatigiiffiit arfinillit, tallimat Nuummi, ataaserlu Paamiuni.
- Ornittakkat pingasut, marluk Nuummi, Paamiunilu ataaseq.

Ukiuni kingullerni kommune innuttaasunik, Danmarkimi imaluunniit Kalaallit Nunaanni kommunini allani, najugaqartunik angerlartinniarneqarnissaat sulissutigineqarpoq, tassa kommunimit Kommuneqarfik Sermersooq innuttaasunut najugaqarfiisa assinganik kiffartuussisinnaasoq nalilerneqaraangat. Periuseq tamanna kommunip ingerlatiinnarusuppaa, kommunimmi anguniagaraa, innuttaasup kissaatigissappagu, innuttaasunik angerlartitsinissaq. Angerlartitsinikkut innuttaasoq ilaqtannut qaninnerulernissaa kiisalu Kalaallit Nunaanni najugaqarlunilu inuuneqalernissaa periarfissiissutigineqassaaq.

Aviaaja Geisler: *Innuttaasoq angerlartinneqassanersoq kina nalilersuisarpa?*

Allison Hansen: Tamanna innuttaasup, innersuussisartup, angajoqqaatut oqartussaassuseqartup ilaqaataasullu akornanni suleqatigiissutigineqartarpoq.

Nanette Hammeken: *Politikkimi immikkoortumut pilersaarummilu paaqqutarinninneq assut qitiutinneqarpoq. Kommunimi perorsaanikkut suliniutit aamma piginnaasanik qaffassaanissaq pingaartinneqarpa.*

Grethe Nielsen: Pingaartinneqarpoq. Ilaatigut aallarniutaasinnaasut uukkarineqarnissaannut ukioq kingulleq 500.000 koruunit pissarsiaraagut. Autismekonsulenterne aamma OCN ilaatigut kinguneraat.



Allison Hansen: Tamatuma saniatigut PI suleqatigineqarpoq, tassanilu innarluutilinnut tunngasunik immikkut sulisunik ilinniartitsisoqartarpoq. Tamatuma saniatigut sulisoreriikkatsinnik, siornatigulli ilinniarnissaminnut periarfissaqarsimanngitsunik, inunnik 20-inik ilinniartitsineq aallartinneqassaaq. Sulisut taakku aningaasaqarnikkut tapisiaqartinneqassapput, taamaalillutik aningaasaqarnikkut inissisimanerat sunnertinngikkaluarluni ilinniagaqarsinnaassapput.

Viggo Johansen: *Politikkimi immikkoortumut pilersaarummilu qanigisaasut sammineqarpallaanngillat, tamanna eqqumaffigaasiuk? Pingaartumik qatanngutaasunut angajoqqaanullu aaqqissuussaasumik ikiuinissaq amigaataavoq.*

Grethe Nielsen: Tamanna samminerunissaa kissaatigaarput. Politikki aamma immikkoortumut pilersaarut ataavartumik naleqqussarneqarneranni immikkoortoq eqqumaffiginerulerneqarsinnaavoq.

Nanette Hammeken: *Innarluutilinnut tunngasuni, pissarsiarineqarsinnaasunik, kisitsisit atorlugit nassuiaasiortoqarnikuua?*

Grethe Nielsen: Ingerlatsivik ataavartumik innarluutilinnut tunngasunik kisitsisinik killiffimmullu tunngasunik tunniussisarpoq. Sinissami ataatsimiinnerni ilanngunneqartassapput.

Innarluutilinnut Siunnersuisoqatigiit ataatsimiinnerminni naggasiutigalugu oqaatigaat, innarluutilinnut tunngasuni meeqqat inuusuttullu sammineqarnissaat amigaataasoq. Tassa meeqqanut atuarfeqarnermullu atatillugu.

2) Innarluutilinnut Siunnersuisoqatigiinni siulittaasumik aamma siulittaasup tullianik qinersineq

Innarluutilinnut Siunnersuisoqatigiinni siulittaasussatut qinersineq

Viggo Johansen, Nuuk, siulittaasutut qinerneqarpoq

Aviaaja Geisler, Nuuk, siulittaasup tulliatut qinerneqarpoq.

Siulittaasut aamma siulittaasup tulliatut atuuffiit pillugit Innarluutilinnut Siunnersuisoqatigiit isumaqatigiipput.

3) Taasariaqartut allat

Nuummi sapaammi 20-anni qaqqamut pisuttuortoqassasoq ingerlatsiviup ilisimatitsissutigaa, tassungalu atatillugu kajumissutsiminnik suliaqartussat amigaatigineqarput.

Ilaasortanut tamanut attaveqatigiinnissamut paasissutissanik ingerlatsivik nassiussissaaq.

Siunissami ataatsimiinnerit nal. 14 aamma nal. 15 aallartittassasut isumaqatigiissutigineqarpoq.

Ataatsimiinneq tulleq oktobarip ingerlanerani ingerlanneqarnissaa naatsorsuutigineqarpoq.

Inussiarnersumik inuulluaqqusilluta // Med venlig hilsen

Isumaginninnermut Suliffeqarnermullu Ingerlatsivik

Forvaltning for Velfærd og Arbejdsmarked

